

中國地方志集成

安徽府縣志輯 ④④

嘉慶寧國府志(二)



江蘇古籍出版社 ● 上海書店 ● 巴蜀書社

寧國府志卷十九

學校志

典禮

國朝順治九年

命禮部頒臥碑於天下學宮碑曰

朝廷建立學校選取生員免其丁糧厚以廩膳設學院學道學官以教之各衙門以禮相待全要養成賢才以供

朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者

寧國府志

卷十九

學校志

典禮

一

子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互

相講究凡利國愛民之事更宜留心

一生員居心忠厚正直讀書方有實用出仕必作良吏若心

術邪刻讀書必無成就爲官必取禍患行害人之事者往往

自殺其身常宜思省

一生員不可干求官長交結勢要希圖進身若果心善德全

上天知之必加以福

一生員當愛身忍性凡有司官衙門不可輕入卽有切己之

事止許家人代告不許干與他人詞訟他人亦不許牽連生

員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰

一軍民一切利病不許生員上書陳言如有一言建白以違

制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

謹案臥碑之設昉自洪武年間凡十四條語稍繁複且有

不專爲生員發者今臥碑文括以八條永爲楷則寧國府

學遵設於明倫堂左各縣學同

寧國府志

卷十九

學校志

典禮

二

康熙二十三年

御書萬世師表匾額頒立文廟

二十五年

御製至聖先師孔子贊

并序

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邁前徽堯舜禹湯文武建而在上兼君師之寄行道之聖人也孔子不得位窮而在下兼剛述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義湮塞斯道之失傳也久矣

後之人而欲探二帝三王之心法以爲治國平天下之準其奚所
取衷焉然則孔子之爲萬古一人也審矣朕巡省東國謁祀闕里
景企滋深敬摛筆而爲之贊曰

清濁有氣剛柔有質聖人參之人極以立行著習察含道莫由惟
皇建極惟后綏猷作君作師垂統萬古曰惟堯舜禹湯文武五百
餘歲至聖挺生聲金振玉集厥大成序書刪詩定禮正樂既窮象
繫亦嚴筆削上紹往緒下示來型道不終晦秩然大經百家紛紜
殊途異趣日月無踰幾壙可晤孔子之道惟中與庸此心此理千
聖所同孔子之德仁義中正兼蘊之好根本天性庶幾夙夜勗哉
令圖溯源沫泗景躋唐虞載歷庭除式觀禮器擣毫仰贊心焉選
寧國府志 卷十九 學校志 典禮 三

二十八年

御製顏曾思孟四賢贊

顏子贊

聖道早聞天資獨粹約禮博文不遷不貳一善服膺萬德來萃能
化而齊其衆一致禮樂四化治法兼備用行舍藏王佐之器

曾子贊

深潛之傳魯以得之一貫曰唯聖學在茲明德新民止善爲期格

致誠正均平以推至德要道百行所基纂承統緒修明訓辭
子思子贊

於穆天命道之大原靜養動察肅穆肅言以育萬物以贊乾坤九
經三重大法足存篤恭慎獨成德之門卷之藏密廣之無垠
孟子贊

哲人既萎楊墨昌熾子輿闢之曰仁與義性善獨闢知言養氣道
解堯舜學屏功利煌煌七篇並垂六藝孔學攸傳禹功作配

謹案至聖贊爲一碑四賢贊共爲一碑大學士張玉書奉
勅敬書寧國府學遵立於大成殿月臺左右各縣學同

二十九年議在學宮關係文教凡官民等經過者皆下車馬

寧國府志 卷十九

學校志 典禮 四

並禁於學宮內放馬污踐

謹案下馬牌之設從京口將軍張思恭請也寧國府學立
石於廟門外東西各一各縣學同

四十一年頒

御製訓飭士子文曰

國家建立學校原以興行教化作育人材典至渥也朕臨御以來
隆重師儒加意庠序近復慎簡學使釐剔弊端務令風教修明賢
才蔚起庶幾模倣作人之意乃比年士習未端儒效罕著雖因內
外臣工奉行未能盡善亦由爾諸生積錮已久粹難改易之故也
茲特親製訓言再加警飭爾諸生其敬聽之從來學者先立品行

茲及文學學術事功原委有叙爾諸生幼聞庭訓長列官庠居恒
 誦讀寧無講究必也躬修實踐砥礪廉隅敦孝弟以事親秉忠貞
 以立志窮經考索勿雜荒誕之談取友親師悉化僑益之氣文章
 歸於醇雅毋事浮華輒度式於規繩最防蕩佚子衿佻達自昔所
 議苟行止有虧雖讀書何益若夫宅心弗淑行已多愆或蕞語流
 言胥制官長或隱微包訟出入公門或唆撥姦猾欺孤凌弱或招
 呼朋類結社邀盟乃如之人名教不容鄉黨弗齒縱倖脫視扑鑑
 竊章縫返之於衷寧無愧乎況乎鄉會科名乃掄才大典關係尤
 鉅士子果有真才實學何患困不逢年爾乃標榜虛名暗通聲氣
 夤緣說遇罔顧身家又或竄竊鄉貢希圖進取轉委騰沸網利營
 寧國府志 卷十九 學校志 典禮 五
 私種種弊端深可痛恨且夫士子出身之始尤貴以正若茲厥初
 拜獻便已作姦犯科則異時敗檢論開何所不至又安望其秉公
 持正為國家宣猷樹績膺後先疏附之選哉朕用嘉惠爾等故不
 禁反復惓惓茲訓言頒到爾等務共體朕心恪遵明訓一切痛加
 改省爭自濯磨積行勤學以圖上進國家三年登造東帛弓旌不
 特爾身有榮即爾祖父亦增光寵矣逢時得志寧俟他求哉若仍
 視為具文玩愒弗敬毀方躍冶暴棄自甘則是爾等冥頑無知終
 不能率教也既負栽培復干咎戾王章俱在朕亦不能為爾等寬
 矣白茲以往內而國學外而直省鄉校凡學臣師長皆有司鐸之
 責者並宜傳集諸生多方董勸以副朕懷否則職業弗修咎亦難

道勿謂朕言之不預也爾多士倘敬聽之哉
 謹案寧國府學遵雍正七年議准事例恭錄臥碑文訓飭
 文敬謹刊刻裝帙奉藏遇學政按臨日詣明倫堂行三跪
 九叩首禮畢教官恭捧宣讀令各學諸生拱聽
 五十一年
 詔升先儒朱熹列於東哲卜子商之次改題其主曰先賢
 五十三年以宋儒范仲淹從祀稱先儒
 雍正元年
 諭內閣禮部加封
 先師五世王爵肇聖王木金父裕聖王祈父諡聖王防叔昌聖王
 寧國府志 卷十九 學校志 典禮 六
 伯夏啟聖王叔梁紇改啟聖祠為崇聖祠兩廡增宋儒張昞
 從祀
 三年
 御書生民未有匾額頒立文廟
 詔郡縣丁祭增用太牢又
 詔增先賢選瑗林放秦冉顏何牧皮縣直公都子樂克公孫丑萬章
 先儒鄭康成諸葛亮范甯尹焞黃幹陳淳何基魏了翁王柏
 趙復許謙金履祥陳澧羅欽順蔡清陸隴其從祀升周敦頤
 張載程顥程頤邵雍為先賢
 乾隆二年從兵部尚書甘汝來條奏

詔復吳澄從祀

三年

御書與天地參圖額頒立文廟又

詔升先賢有子列於殿內東序卜子商之次移先賢朱子於西序額

孫子師之次

六年議准學宮從祀先賢先儒神位次序以

京師太學成式通行直省府州縣遵照書題按東西先後次序

安設

大成殿正中奉

至聖先師孔子位南嚮以四配十二哲侑饗殿中以先賢先儒從

寧國府志

卷十九

學校志

典禮

七

祀兩廡四配復聖顏子述聖子思子東位西嚮宗聖曾子亞

聖孟子西位東嚮東序先賢閔子損冉子雍端木子賜仲子

由卜子商有子若西序先賢冉子耕宰子子冉子求言子偃

顯孫子師朱子熹位均東西嚮東廡先賢遠瓊潘臺誠明原

憲南宮近商聖漆雕開司馬耕梁龍冉孺伯虔冉季漆雕徒

父漆雕哆公西赤任不齊公良孺公肩定鄭單罕父黑榮旂

左人鄧鄭國原亢廉潔叔仲會公西輿如邾與陳亢琴張步

叔乘秦非顏噲顏何縣直樂正克萬章周敦頤程顥邵雍位

西嚮西廡先賢林放宓不齊公冶長公皙哀高柴樊須商澤

巫馬施顏辛曹卹公孫龍秦商顏高壤駟赤石作蜀公夏首

后處吳杏藏顏祖句井張秦祖縣成公祖句茲燕伋樂欽秋

黑孔忠公西藏顏之僕施之常申根左邱明秦冉收皮公都

子公係丑張載程頤位東嚮東廡先儒公羊高伏勝董仲舒

后蒼杜子春諸葛亮王通范仲淹歐陽修楊時羅從彥李侂

呂祖謙蔡沈陳淳魏了翁王柏趙復許謙吳澄胡居仁王守

仁羅欽順西廡先儒穀梁赤高堂生孔安國毛萇鄭康成范

海韓愈胡瑗司馬光尹焞胡安國張栻陸九淵黃幹真德秀

何基陳澧金履祥許衡薛瑄陳獻章蔡清陸龍其位均東西

嚮

崇聖祠中設

寧國府志

卷十九

學校志

典禮

八

肇聖王裕聖王詒聖王昌聖王啟聖王位皆南嚮祠內配饗先賢

顏無繇孔鯉東位西嚮曾點孟孫氏西位東嚮兩廡從祀先

儒東廡周輔成程珦蔡元定西廡張迺朱松位均東西嚮

嘉慶四年

御書聖集大成匾額頒立文廟

謹案寧國府學增設先賢先儒位次如太學式康熙雍正

乾隆嘉慶年間歷奉匾額敬謹摹刻懸掛殿中各縣學並

同

大成殿祭品正位前帛一尊一爵三盃太羹一鉶和羹二簋

二其實黍稷簋二其實稻粱邊十其實形鹽羹魚鼈栗棗榛菱

芡鹿脯白餅黑餅豆十其實韭菹菁菹芹菹苴菹兔醢鹿醢
魚醢醢醢脾析豚拍牛一羊一豕一醢一醢二四配位前各
帛一爵三劍二簠簋各二邊豆各八羊一豕一醢一醢二東
西各尊一十二哲位前各帛一爵三劍一簠簋各一邊豆各
四東西羊一豕一尊一醢一醢二兩廡二位共一案每位爵
一每案簠簋各一邊豆各四東西各羊三豕三尊三統設香
案二每案帛一爵三醢一醢二

宗聖祠祭品正位前各帛一尊一爵三劍二簠簋各二邊豆
各八羊一豕一醢一醢二四配位前各帛一爵三簠簋各一
邊豆各四東西各羊一豕一尊一醢一醢二兩廡東二案西

寧國府志

卷十九

學校志

典禮

九

一案均簠簋各一邊豆各四每位爵一東西各帛一羊一豕
一尊一醢一醢二

謹案寧國府學春秋丁祭恪遵會典陳設各縣學同

每歲春秋仲月上丁釋奠行禮以正印官主祭僚屬分獻在
城文武官陪祀均致齋二日先一日具祝版設儀從鼓吹前
導有司公服捧送神庫安設一跪三叩首退次詣神厨監宰
併燄毛血祭日丑前五刻陳設牲帛器數省視如儀各官皆
朝服入大成左右門北面序立引贊引主祭官詣盥洗所盥
手畢詣拜位前立引分獻陪祀官咸詣拜位序立通贊唱樂
舞生就位執事者各司其事主祭官就位分獻官陪祀官各

就位唱迎神乃舉迎神樂奏昭平之章樂作唱行三跪九叩
首禮興樂止唱奠帛爵行初獻禮舉初獻樂奏宣平之章舞
羽籥之舞樂作引贊引主祭官升東階入殿左門詣

先師香案前贊上香司香跪捧香主祭官三上香畢俯伏興次詣
先師位前贊跪主祭官跪贊奠帛司帛跪奉篚主祭官受篚拱舉
奠於案贊獻爵司爵跪捧爵主祭官受爵拱舉奠於案中俯
伏興引贊引詣讀祝位樂止贊跪主祭官跪分獻陪祀各官
皆跪贊讀祝司祝跪讀祝畢樂作主祭官分獻陪祀各官皆
行三叩首禮興引贊以次引主祭官詣四配位前皆贊跪奠
帛獻爵俯伏興復位引贊分引兩序分獻官升東西階入殿

寧國府志

卷十九

學校志

典禮

十

左右門詣十二哲位前跪奠帛獻爵俯伏興復位引兩廡分
獻官分詣先賢先儒位前跪奠帛獻爵俯伏興復位樂止通
贊唱行亞獻禮舉亞獻樂奏秩平之章舞同初獻樂作引贊
引主祭官升階詣

先師暨四配位前奠爵於左如初獻儀兩序兩廡分獻畢均復位
樂止通贊唱行終獻禮舉終獻樂奏叙平之章舞同亞獻樂
作引贊引主祭官升階奠爵於右如亞獻儀兩序兩廡隨分
獻畢均復位樂止文舞退通贊唱飲福受胙引贊引主祭官
詣飲福受胙位贊跪主祭官跪贊飲福酒右一人跪通福酒
主祭官受爵拱舉授於左次受胙如飲福儀主祭官三叩興

復位次行謝福昨禮通贊唱各官均行三跪九叩首禮興唱
徹饌舉徹饌樂奏懿平之章樂作徹饌畢樂止唱送神畢送
神樂奏德平之章樂作復唱行三跪九叩首禮興樂止唱捧
祝帛香俛送燎執事生各捧祝帛俛香恭送燎所主祭官避
立拜位西旁俟過復位樂作引贊引主祭官詣燎所望燎畢
復位樂止通贊唱禮畢乃各退同日先祭崇聖祠引承祭分
獻官入祠分詣行禮不用樂舞凡上香迎神奠帛奠爵讀祝
徹饌送神望燎承祭官及四配兩廡分獻官敬謹將事均如
致祭

先師儀

寧國府志

卷十九

學校志

典禮

十一

右丁祭儀注一以禮部則例為準並取寧國府學見行儀
節參之如舊志所載三獻有樂無舞亞獻終獻重贊奠帛
末送燎又云望燎繁簡失當悉加訂正各縣學同

欽定文廟春秋丁祭樂章

大哉孔子先覺先知與天地參萬世之師祥徵麟紱韻答金絲口

月既揭乾坤清夷

昭平章
迎神

予儀明德玉振金聲生民未有展也大成俎豆千古春秋上丁清

酒既載其香始升

宣平章
初獻

式禮莫愆升堂再獻嚮協義鏘誠孚囑肅肅雍雍與髦斯彥禮

陶樂淑相觀而善

秋平章
亞獻

自古在昔先民有作皮弁祭菜於諭思樂惟天賜民惟聖時若茲
倫攸叙至今木鐸

叙平章
終獻

先師有言祭則受福四海蠻貊敢不肅禮成告徹毋疏毋賁樂

所自生中原有菽

懿平章
徹饌

晁繼我我涿泗洋洋景行行止流澤無疆聿昭祀事祀事孔明化

我烝民育我膠庠

德平章
送神

謹案康熙五十五年初定樂章頒發於各府州縣學雍正
八年重易今樂章乾隆五十一年定樂譜鍾呂嘉慶五年
遂并頒譜於各學今寧國府學春秋歌舞遵用之各縣學

同

寧國府志

卷十九

學校志

典禮

十二

寧國府志卷十九

學校志

廟學 書院附

府學在府治東南東至城埂砌路西至本學松林土岡南至

元妙觀路橋北至秀才巷

按乾隆志云學基無文契可稽惟明成化年知教授將廟碑記內載

此四至錄以初郡中慕學始於西漢武帝時令郡國皆立學

備考今仍之校平帝元始三年立學官郡國曰學邑侯國曰校置經師一

人光武時李忠爲丹陽太守乃起學校春秋鄉飲選用明經

吳孫瑜嘗於丹陽郡立學編鑿講肄雖在軍旅紆誦不廢唐

武德中詔郡學各置生員令州縣學兼習吉凶禮開元中裴

寧國府志

卷十九

學校志 廟學上

一

羅卿爲宣州刺史率父老子弟行鄉飲於學命歌南陔白華

華黍由庚等篇凡所謂學莫詳其地逮宋嘉定宣城志始謂

宣聖廟在城東大中祥符中御製文宣王贊碑存焉自慶歷

中新建廟學其後從以三徙元祐六年賈侯易營學於倉街

南崇寧二年李侯彥卿徙學於城內尙文巷時城東營屯相

望士不以爲便故議遷築特草創而已崇寧三年席侯旦徙

譙樓南建安三年呂侯好開謂學居陵陽之巔勢壓州治改

築城東隅未就會侯奉祠去後一年落成呂舍人本中興學

記紹興十年汪丞相伯彥知軍州事即城東開舊址更徙而

東又拓而廣之取文脊爲對案下拱與水爲堂一齋六序楹

二十有二門楹如堂之五書閣庫廩庖厨皆具明年釋奠更

造祭器祭服乾道四年汪侯徽增繕講堂直舍淳熙六年鄭

侯伯熊開爐亭廣諸齋爲諸生寢所置几榻帷帳市官書二

千卷刊本無者續以繕寫時教授張杰勤於教事聚生徒至

二百人建明倫堂時觀閣四賢堂增春秋釋奠羊六豕六之

數十一年陳侯驥修直舍十三年詹侯驥修明倫堂紹熙二

年沈侯揆更修廟塑宜聖充公鄒公侍十哲列其兩旁繪七

十二子於廡壁嘉定十年教授鄭應博重新堂廡十三年教

授陳思誠重建學門視舊規益高大並建學止學錄直學職

事之位嘉熙三四年間教授潘斗重葺六齋修學廩學帑每

寧國府志

卷十九

學校志 廟學上

二

歲贍士租米以一千五百餘石計租錢以六七千貫計寶慶

間陳侯卓沈侯變相繼捐金鼎新殿宇吳公潛爲記淳祐元

年郡侯王侍郎遂清理豪占拘租入學多士德焉按舊學在

紀畧所謂即小東門外猶科州學也東熙乾隆志但云後時

人材科第最盛惜於舊址源流不備載今據嘉靖志按年排

纂以見宋人修學之勤元寧國路總管陳大中改建學在

廟右至正乙未燬於兵康熙乾隆明初祭卯知府黃榮祖徙今

所即元帝師殿址鼎建殿堂齋廡丙午知府楊觀修飾增壯

嗣洪武中知府陳灌鞠騰霄胡乾祐林彥常承樂中知府宋

獻相繼修葺正統初知府袁旭因其地撤而新之規制尤偉

少師楊士奇尙書黃宗載大理卿楊復並有記成化中巡按

御史張敬修成化末巡按御史王溫檄知府范吉修宏治二年范吉記嘉靖三十六年知府朱大器建學門修撰羅洪先記四十三年知府羅汝芳修萬曆三年知府陳俊復修參政梅守德祭酒余有丁並有記十二年知府李國觀修順天府尹徐元太記二十年知府蕭良譽修自爲記三十六年知府金勵重修修撰焦堃記崇禎四年知府周光夏建十五年推官唐階泰修

國朝順治六年知府管起鳳修十一年十二年道府廳縣共修修寧道孫登第記十六年巡按御史衛貞元檄修修撰呂宮記康熙九年知府莊泰宏重修參議施閏章記四十年知府修

寧國府志

卷十九

學校志 廟學上

三

黟彩修未竣次年知府許廷試踵成之自爲記五十年知府修賦偉復修乾隆五年涇人建寧府同知吳景捐修殿祠堂舍知府程侯本記以上參訂康熙乾隆兩志乾隆三十五年知府秋咏麓重修自爲記五十二年奉天王湖以本府總捕同知署府事倡修廟學自爲記嘉慶七年涇縣黃田朱氏武勳慶彩後裔承其先人志捐白金七千有奇新修文廟內外峻整編修洪亮吉記十年黃田朱氏復出千金購府城北門外市房以租息作歲修費舉人煊請勒石知府魯銓爲之記以上採訪冊大成殿七楹殿左橫屋三楹爲神庫殿右橫屋三楹爲神廚門皆北嚮通學垣東廡西廡各十一楹其下爲官廳東西墻

南爲櫺星門又南爲泮池石橋過橋爲石坊爲紅牆爲廟門其外爲石路爲照牆爲東西角門門端各有匾東爲德配天地西爲道冠古今門外並有坊東爲騰蛟卽狀元坊西爲起鳳卽宰相坊據舊志及學宮新圖

崇聖祠在大成殿東由廟門稍東爲學門祠在門左涇邑吳最捐修節錄舊志嘉慶七年涇丁都胡超芳胡超芳重修有碑採訪冊

名宦祠在崇聖祠後舊志不載創建歲月嘉慶十年涇縣黃田朱氏重修祠內神位祀漢丹陽郡太守張璠李忠馬稜吳丹陽郡太守滕允晉宣城郡內史桓彝齊宣城郡太守謝朓梁宣城郡太守何遜隋宣州刺史王選宣城郡太守周超唐

寧國府志

卷十九

學校志 廟學上

四

尚書魯郡公謚文忠顏真卿唐宣歙觀察使崔衍穆賈廋坦崔羣王凝按舊志列觀察使於刺史後唐宣州刺史裴耀卿崔瑗班景倩竹承構裴敦復裴休獨孤霖南唐宣州刺史林仁肇宋廣德軍司理參軍累官參知政事謚文正范仲淹宋著作佐郎提舉江東常平袁甫宋宣州知州軍事晏殊彭思永劉安節李光張果寧國府知府事乾道二年陞州爲府李道傳孫夢觀杜範王遂文天祥通判田錫胡宿旌德縣主簿呂誨按舊志誤元尚書史天澤江東道肅政廉訪司盧摯按舊志誤作李誨擊王士熙推官楊載明蘇松巡撫周起元寧國府知府黃榮祖楊觀陳灌宋獻袁旭葉錫沈性黎福范吉劉廷瓚華璉胡

東臯及宦劉起宗朱大器方逢時羅汝芳王嘉賓蕭良譽金
勵同知羅觀劉誠石巍陳邦直姜緒葉元通判文敏陳紀李
默推官王樞燕忠教授王龍錢若廣

國朝兩江總督馬鳴佩滿洲人順治十二年任麻勒吉滿洲人狀元康熙十年任阿席熙

滿洲人康熙十二年任于成龍山西汾陽人副榜康熙二十一年任按

一十成龍字振甲奉天人康熙二十一年由通州牧知江寧

府即總督于公所疏薦也後擢安徽按察使授江南河道總

督范承勳奉天人康熙三十九年任漕運總督邱廷樞鎮江人康熙

河道總督陳鵬年湖南人康熙六十年任安徽巡撫靳輔奉天人康熙

後馬總河有高承爵奉天人康熙三十二年任李鈞鐵嶺人康熙

梁世勳延安人康熙五十年任江南通省學政劉果諸城人康熙

院許汝霖海寧人康熙二十年任邵嗣堯山西人康熙三十九年任張榕端河南人

十六張泰交陽城人康熙三十九年任張元臣貴州人康熙五十年任余正健古田

三十五左布政使司劉漢祚奉天人順治五年任安徽布政使司常名

揚正白旗人康熙分巡徽寧道王緒祖奉天人康熙三十九年任江安十府

糧道鮑復昌濟陽人康熙三十二年任寧國府知府宋敦許城人嘉慶

九十九人歲以春秋仲月上丁致祭牲帛尊爵禮儀如制

按舊志云顏真卿非刺史嘗為浙西觀察使未至宣徽令

考唐書本傳乾元二年拜浙西節度使又方鎮表是年廢

浙西節度使置觀察使復領宣徽三州即此可為魯公

治宣之証嘉靖府志據嘉定宣城志列於唐使臣之首謂

宣州實屬所治其說可從宋史晏殊傳知宣州數月改應

天府舊志謂數日改知大名不知何據況應天為宋南京

大名為宋北京晏公知應天府聞仲淹名召置府學並見

范傳中後人輾轉滋譌加以宣州教授之目至與晏公並

祀敬亭七賢祠修賦偉修祠記既明辨之而又莫敢廢其

記者則以范公嘗判廣德宛陵與之接壤也語亦傳會然

猶愈于宣州教授之繆耳乾隆志叙宋名宦首通判田錫

次袁甫次晏殊次范仲淹以下十人皆不著何官以掩其

增祀范公之跡今標范公曾謚冠于首以別主客而以提

舉袁甫次之紹定中甫移提舉江東前後五年所至諸學

官講說語見本傳證以平江知府王遂所撰南陵修學記

謂袁公持節江東行部南陵登進諸生講論經術大義語

與正史相合舊志徒以其非知州而疑之不知袁公提舉

時宣州正其部內其得祀於茲土宜也至若楊載除推官

未任史天澤非宣州官劉廷瓚陳邦直政績無考錢若廣

履任未久皆舊志所謂於祀法未合者然相沿已久在前

人或有所本悉仍其舊而已本朝名宦位次以官序同

官以年序舊志未晰並據江南通志詳注之

鄉賢祠在名宦祠後合祀六邑鄉賢明鄭守益有記貢汝成

有銘 本朝乾隆十三年宣城梅穀成捐建未竣嗣修葺無
考近亦涇縣黃田朱氏修之祠內神位祀晉孝子何琦宋翰
林學士梅詢都官梅堯臣侍郎凌策處士王相如祭酒汪解
侍郎章燾秘閣修撰謚正肅吳系秘閣修撰孫琳義士方
致堯太常少卿李含章學士徐勳侍郎劉拯通判林宗放左
丞相許國公吳潛御史劉琦參知政事謚莊敏吳淵員外郎
汪齊參知政事謚敏肅魏良臣尚書吳葵參知政事饒虎臣
侍郎虞樞西安尉詹友端元封廣陵伯貢應寔尚書謚文節
汪澤民翰林學士貢奎尚書貢師泰明尚書私謚靖獻追謚
忠烈陳迪尚書秦達燕府教授謚節愍俞達辰贈員外郎吳

寧國府志

卷十九

學校志 廟學上

七

文常右副都御史董榮食事吳景贈光祿寺少卿萬琛右通
政徐說知府吳宗周知縣貢珊右都御史張綸知府趙瑞給
事中王蓋按察副使吳大本知縣戚哀州判劉珊郎中魏景
星通判陸乾元贈副都御史徐訪贈副都御史徐衢州同劉
復芳州判梅繼儒主簿劉希賢生員姚汝弼贈國子博士陳
舜道太常少卿謚恭節周怡知州貢安國教授郭宏知縣陳
大林主事貢汝瓚參議沈龍贈主事梅繼善參政梅守德給
事中陳希諒按察使唐汝迪翰林修撰沈懋學舉人梅應祚
太僕寺卿麻溶參議葉煒知縣徐大望生員吳仕期許良弼
贈主事胡世冕贈參議吳玉相左都御史詹沂貢士梅鼎祚

行人沈有明侍郎張守道布政使梅守和按察使馮汝京太
僕寺卿徐夢麟生員蔣永綰主事唐一澄登仕郎郭東渠主
簿梅儲祥生員劉秉常徐大復施宏猷

國朝贈事中孫應旂給事中孫襄贈僉事李煌翰林侍讀施閏
章贈侍郎阮世盛左都御史梅鎮贈左都御史徵士梅文鼎
凡九十一人歲以春秋仲月上丁致祭牲帛尊爵禮儀與名
宦同

參訂
舊志

按鄉賢之祀所以崇往哲屬後賢也祠設木主但書某官
某人其有諡者缺弗載似失古人謚以尊名之義今各據
本傳補之體例較爲嚴重又舊志云郡中先達如刑部尚

寧國府志

卷十九

學校志 廟學上

八

書徐元太之正氣偉伐工部侍郎徐大任之儉德清操侍
紹貢汝成之博雅方正皆卓然里中典型乃不與祀真闕
事也附記之

舊志

忠義祠在鄉賢祠後雍正三年建祀晉贈與古太守俞縱宋
處士王相如西安尉詹友端文州判官趙汝弼龍泉令胡寶
信元尚書謚文節汪澤民百戶王翕百戶張文貴集慶路照
磨梅實明尚書私謚靖獻追謚忠烈陳迪燕府教授謚節愍
俞達辰贈光祿少卿萬琛生員吳仕期贈都督沈壽崇江山
知縣方召

國朝贈僉事李煌凡十六人每歲春秋致祭如名宦鄉賢儀

舊志

按忠義祠久廢乾隆中生員麻三衛生員沈壽堯生員吳

漢超西林知縣劉讓並准入祠

土地祠在教授署東

柏將軍廟在鄉賢北

文昌祠在學東南隅一名文昌臺又名文昌閣明嘉靖三十

六年知府朱太器以當學與方卑削故建制頗雄傑南吏部

侍郎尹臺記崇正八年知府徐大儀修大學士周延儒記

國朝順治九年同知署府事白寶新知縣王同春重脩刑部主事

施開章記後康熙十五年知府莊泰宏通判常君恩重建

二十年知府王國柱通判陳芳猷知縣袁朝選訓導姚士重

寧國府志 卷十九 學校志 廟學上 九

同修五十八年知府佟鳳偉捐修視舊加高與北樓通對榜

曰南樓宣邑徵士梅文鼎記增補乾隆年間修葺無考嘉慶

元年知府劉寶賢倡修八年夏安慶同知瞿兆麟來署府事

復記之閣中舊祀文昌歲以春秋仲月致祭自嘉慶六年追

封先代性帛禮儀與關廟同採訪

孝子祠在文昌祠右明崇正元年知府徐大儀爲產邑孝子

鮑邦志建

國朝康熙五十一年知府佟鳳偉重修增祀六邑孝子有記乾隆

二年宣邑孝子後裔劉慶觀劉芳藻同修教授高允中記三

十六年知府狄咏堯拓而新之自爲記祠內神位祀晉何琦

唐蘇仲芳宋許遂許俞李經何自興呂鏗元周淳卿明袁餘

慶梅應魁貢珊吳大經徐棠姚汝弼王朝諍陳希良俞龍朱

時俊孫國訓貢汝梯劉仲光費有時陸可宗沈壽隆黃石吳

士琮潘寧海戚學傳錢大用張昭沈仲煜劉邦正何炳曹鐸

嚴大本朱慶福徐賢趙寵徐士傑翟質洪希憲趙桂枝洪守

伸吳惟賢屠義民汪文英黃一榮張道榮戴三元江休江廷

謨張廷翰呂賜宗呂文奎鮑邦志張廷旭方必通林桂芳焦

守勅林文榜孫世賢

國朝劉一幹方達姜安節楊茂漸沈吉生王際康胡堯齡趙敬郭

見生方士達舒世安項若麟雍正二年知府黃叔琪增祀王

寧國府志 卷十九 學校志 廟學上 十

孟心梅琢成以上據劉茂萬麟俱明劉一韜沈善慶沈廷瑤

劉于麟章振世荷士蕙萬庸劉良俠俱本朝宣城人凡八

十五人每歲春秋致祭如忠義儀

按六邑孝子爲數甚多近惟宣邑壽 旌者設位於此他

邑則各祀于其鄉不似往年之置主郡學也茲就祠內見

有本主者載之餘詳孝行門

節婦祠在孝子祠右祀宣城節婦故縣學不另立祠舊名節

烈祠在陵陽山雍正三年奉 勅建久圯乾隆三十六年知

府狄咏堯移建今所有碑記祠內神位祀漢丹陽太守孫翊

妻徐夫人梁天監中宛陵女子元葛貞女趙十一妻袁氏明

孫伯善妻袁氏朱景銘妻胡氏吳賢生妻張氏曾金寶妻李氏仲文妻郭氏郭祥妻陳氏金璐妻王氏舉人徐元策妻趙氏生員戚鳴廷妻孫氏義士吳仕期妻貢氏舉人施沛如妻鍾氏生員殷雲卿妻吳氏梅元祚妻劉氏吳廷科妻董氏王仲文妻吳氏詹應樞妻馬氏胡邦奇妻丁氏胡家賓妻章氏楊義紀妻朱氏孫之麟妻曾氏妾項氏施之濤妻徐氏吳日新妻唐氏徐大聘繼室吳氏鍾一道妻鄭氏生員湯任尹妻施氏詹應鸞妻梅氏妾貞女妙善

國朝徐一清妻孫氏生員馬夢侯妻沈氏劉試妻孫氏丁從熾妻徐氏皆承招妻丁氏唐應由妻徐氏丁益湖妻陳氏宗元善

寧國府志

卷十九

學校志 廟學上

十一

妻王氏劉宏道妻唐氏舉人張友繼室高氏陶堯朋妻唐氏陶開啟妻子氏陶乘時妻丁氏汪上璉妻馮氏施濟妻錢氏監生施衡臣妻馮氏孫治遠妻劉氏戚尙通妻章氏陶仲謙妻王氏陶仲謙妻周氏劉允章妻胡氏劉維二妻丁氏監生周鳳階妻汪氏生員馬德良妻許氏蔣震宙妻黃氏韓文明妻王氏韓禹疇妻唐氏韓禹及妻徐氏鄭士琳妻陳氏附監曾仲駱妻傅氏生員戚奇生妻陳氏生員方宏基妻張氏程大康妻汪氏王伯義妻張氏李承久妻范氏方啟貴繼室閔氏生員湯震繼室陸氏湯光夏妻梅氏曹日朋妻何氏范世珍妻徐氏周配高妻樊氏劉玘妻秦氏侯肇繼妻殷氏王振

元妻管氏傅魁祚妻王氏李有標妻徐氏監生荀晟妻凌氏

吳應昇妻潘氏徐渭妻李氏孫洪範妻吳氏葉有春妻方氏

丁克儉妻李氏周一鼎妻王氏鄭士珪妻潘氏張夢元妻陳

氏夏以誠妻葉氏陳宏基妻張氏董一梁妻王氏汪尙貴妻

王氏劉廷侯妻郭氏張國賓妻馮氏潘繼學妻麻氏汪孚若

妻吳氏馮仲瑄妻王氏陳能章妻朱氏儲俊妻汪氏管紹松

妻虞氏范應泰妻夏氏皆懷奇妻戴氏葛五雲妻鄭氏荀應

觀妻孫氏烈婦吳氏皆紹妻楊氏曹懋文妾蔡氏萬應開妻

董氏湯蔚文妻徐氏吳國蛟妻杭氏朱士舉妻沈氏潘大賢

妻貢氏吳文典妻唐氏吳文籍妻陶氏彭士偉妻范氏生員

寧國府志

卷十九

學校志 廟學上

十二

後來異妻張氏孫維鉉妻周氏盛顯廷妻朱氏翟思傑妻董氏羅勳妻錢氏徐良仁妻詹氏潘之立妻施氏陳大賢妻陶氏生員李琳妻孫氏沈振統妻金氏袁應鵬妻唐氏王朝宗妻詹氏朱景瞻妻李氏樊鳴篴妻吳氏李昭亨妻謝氏張以溥妻吳氏吳夢秀妻王氏袁華章妻王氏魏啟傑妻貢氏林國忠妻朱氏殷嗣遵妻羅氏李伯景妻徐氏陳大倫妻趙氏邢祚祐妻李氏生員孫景恩妻戚氏孫士詰妻高氏馮撫絃妻湯氏屠應性妻荀氏陶士鴻妻孫氏章其彬妻唐氏李遵之妻孫氏王維垣妻朱氏袁尙德妻胡氏唐昌申妻劉氏丁鴻妻朱氏錢以質妻袁氏成元奎妻傅氏雷元裕妻陶氏馮

之斗妻李氏陳孔章妻章氏王惟梁妻陳氏胡永熾妻侯氏
 胡秀林妻王氏夏邦元妻許氏侯廷楠妻王氏副貢生唐兆
 麟妻呂氏李淨玉妻陳氏劉朝選妻楊氏胡士文妻陳氏唐
 景聖妻王氏丁琇四妻唐氏翟思道妻陳氏唐親燈妻劉氏
 唐奕綬妻魏氏詹士彪妻蔡氏生員馮均齊妻張氏丁鴻程
 妻傅氏陳紹虞妻吳氏陳世讀妻吳氏施士鏞妻梅氏陳正
 治妻許氏管淑義妻沈氏葛久美妻馬氏吳克勤妻馬氏管
 錫銓妻何氏生員管奏妻徐氏生員袁宸妻耿氏陳正樞妻
 孫氏陳永祁妻萬氏劉又超妻袁氏劉瑾十妻李氏王所龍
 妻楊氏陳士鰲妻貢氏黃道呈妻張氏後寅仲妻濮陽氏李

寧國府志 卷十九 學校志 廟學上 三

應序妻孫氏後尙德妻魏氏以上一百九十一位在乾隆十
八年以前悉依乾隆府志列女
傳請 旌程有庚妻唐氏孟鶴年妻詹氏孟文暄妻李氏劉
先後爲序十姬妻張氏汪國威妻胡氏王世盛妻許氏葛泰惺妻張氏
 王一機妻趙氏章世岱妻許氏顏如赤妻吳氏程必選妻蘇
 氏顏如墨妻姚氏劉孔厚妻孫氏袁錫民妻馬氏王光珍妻
 傅氏唐日彩妻胥氏萬宗沛妻蕭氏烈女楊高妹兒以上十
八位據採訪冊增入祠有木李國珣妻陳氏程學妻袁氏李量章妻
 徐氏葉嘉亨妻陳氏潘于門妻吳氏雷于萬妻劉氏汪永言
 妻韓氏陶于濱妻陳氏傅以純妻馮氏楊文翹妻徐氏金祥
 元妻劉氏梅汝行妻徐氏梅寄成妻朱氏徐式法妻孫氏徐

式洪妻張氏貢大勳妻湯氏周楷妻李氏陸端繼妻余氏陳
 大炳妻高氏許掄祖未婚妻貞女詹氏孫啟宇妻王氏章積
 芹妻胥氏沈煜妻陳氏曾永芳妻查氏李萬選妻王氏師以
 鵬妻李氏以上二十六位據採訪冊韋守寶妻許氏吳思仁
增入祠有木主學冊相符妻詹氏馬自位妻章氏吳之習妻陶氏沈期理妻劉氏鄭明
 鉅妻胡氏萬惟快妻汪氏以上七位據採訪冊增入祠有木主凡二百四十一
 人每歲春秋致祭如孝子儀

按禮部則例府州縣學各建節孝祠祠外建大坊旌表者
 題名其上身後設位祠中法至善也寧國府學有祠無坊
 則設位入祠應以請 旌卷案爲據今祠內木主修與舊

寧國府志 卷十九 學校志 廟學上 四

志相符者一百九十一人核與府禮房冊相符者十八人
 餘三十三人由宣城學檢卷詳覆謂李國珣妻陳氏以下
 二十六人有冊可稽自乾隆四十九年學書不戒於火卷
 多被燬故韋守寶妻許氏以下七人不可考云此外有已
 旌而未設位者詳列女門

明倫堂在大成殿後東爲禮門通學門內甬道西爲義路通
 西園齋房南向六間東向六間均在堂西偏崇正三年知府
 黃夢松重建南太僕寺卿徐夢麟記

國朝乾隆五年涇邑吳最捐修二十年宣城孫廷柱及弟廷相捐
 修知府嵇璜爲之記堂後舊有敬一亭尊經閣久圯惟嘉靖

中所勒程子四箴范氏心箴尙存增補舊志

射圃在明倫堂前今廢爲隙地舊志云在學西萬歷間知府

陳俊重建教授石守一記舊志

教授署在明倫堂後乾隆五年涇邑吳景捐建下同舊志

訓導署在明倫堂後舊志見任訓導沈沾霖捐俸新修內外完

整有記

學官弟子員額教授一人復設訓導一人廩膳生員四十八

增廣生員四十人學院歲科兩試每試撥入文章二十五人

爲附學生員歲試撥入武童二十八人爲武生銜籍丁童自乾

隆四十一年改歸土著縣試其取進併入縣學中學校志

軍國府志

卷十九

學校志

廟學上

主

禮器銅祭五刑銅二十銅簋四十四銅簠四十四遷七十二

豆七十二銅爵一百七十七銅犧尊一銅象尊一銅雲雷尊

一錫酒海一磁酒海一帛篚九牛架一迎神牌一祝版二舊志

樂器曲柄傘一麾簫一戟門鐘一戟門鼓一編鐘十六編磬

十楹鼓一應鼓一琴二瑟二鳳簫一龍笛四洞簫四笙四祝

一鼓一搏拊二錢鼓二塤二篪二九節纓旒二簪三十六翟

三十六舊志

按康熙志云成化十七年辛丑郡守涂觀以文廟鐘磬尊

彝之類破壞殘缺特請於太常卿安成劉公宣王寅春致

樂舞生鍾福慶錢永通二人來爲之考正肄習修置遷豆

千需若干外召工範銅爲簠簋樽罍銅登爵若干用銅千

五百鈔用銀三百兩於是器物具備聲文亦稱涂公自爲

記詳見湯司成宣城右集乾隆志云幸未知府朱敦倡論

宣城知縣貴中孚旌德縣學生員汪玉堂等共捐增樂器

舞器又飭儒學會同邑令依例慎選伶生得僑童畧知文

義粗曉音律者八十人捐俸延師以時演習今禮樂器數

悉仍乾隆志間有損缺學官交代印冊可稽茲不載

書籍

御纂周易折中二部

御纂周易述義二部

軍國府志

卷十九

學校志

廟學上

主

欽定書經傳說二部

欽定詩經傳說二部

欽定詩義折中二部

欽定周禮義疏一部

欽定儀禮義疏一部

欽定禮記義疏一部

御纂春秋傳說二部

御纂春秋直解二部

御纂性理精義二部

御纂朱子全書二部

欽定清漢對音字式一部	御製文廟碑文一部	御製平定準噶爾回部碑文二道	御製平定全川碑文一道	御製文初集二部	御製詩初集二部	御製文二集一部	御製詩二集二部	御製補笙詩樂譜三本	御批資治通鑑綱目續編一部	寧國府志	卷十九	學校志	廟學上	七	御製改教詩墨摹一道	御選唐宋詩解二部	聖諭廣訓註解一本	上諭一百六本	上諭謄黃三道	御諭一道	欽定四書文二部	欽定學政全書三部	欽定吏部處分則例二部	欽定學政全書一部
------------	----------	---------------	------------	---------	---------	---------	---------	-----------	--------------	------	-----	-----	-----	---	-----------	----------	----------	--------	--------	------	---------	----------	------------	----------

欽定科場條例十六本	欽定應勘條例二本	南巡盛典一部	律例全書一部	武英殿聚珍板書十一種	駁呂雷長四書講義七部	日講四書講義二部	日知舊說二部	十三經全部	廿一史全部	寧國府志	卷十九	學校志	廟學上	六	明史一部	捕蝗章程二部	校勘條例三函	科場條例二本	新頒科場條例十二本	探驪集一部	十一經旁訓一部	學田詳田賦志	書院附	敬亭書院在文昌臺左明萬曆十七年知府廖恒吉宣城知
-----------	----------	--------	--------	------------	------------	----------	--------	-------	-------	------	-----	-----	-----	---	------	--------	--------	--------	-----------	-------	---------	--------	-----	-------------------------